

Prins Bernhard Cultuurfonds Caribisch Gebied ta continua bou di un number nobo

Het Cultuurfonds Caribisch Gebied

E cambio di number ta resultado di nos evolucion y nos bista riba futuro. E number nobo ta refleha miho ken nos ta awor y unda nos kier yega.

Aparte di e tempo cu nos a tuma internamente pa refleha y celebra nos 70-aniversario, e decision aki a haya e atencion y dedicacion necesario. Nos no a wak solamente nos mision pa futuro, pero nos a para keto tambe na origen di e fondo.

Dia 7 di augustus 1953 Prins Bernhard a firma e acta di fundacion di e fondo na Corsou.

Cu esaki el a debolbe e fondo na su tera natal Caribeño. Durante segundo guerra mundial e pueblonan di Caribe Hulandes a colecta placa cu a contribui

en grande na e Spitfire Fund, destina pa compra di material di guerra pa yuda Hulanda. Despues di guerra, e placa cu a sobra a sirbi como base pa comienso di un historia bunita di sosten continuo pa arte y cultura, tanto na Hulanda como na Caribe Hulandes.

Het Cultuurfonds Caribisch Gebied ta dedica su mes na desaroyo di cultura y preservacion di e identidad unico di Aruba, Boneiro, Corsou, Sint Maarten, Sint Eustatius y Saba.

Nos ta duna sosten na iniciativanan cu ta pone e cultura y naturalesa Caribeño den centro di atencion, tanto localmente como mundialmente. Nos logo nobo, cu su solo radiante den su centro, ta simbolisa e conexion entre



nos islanan y e spirito bibo y calor di e area Caribeño.

Awor cu nos ta cera e aña di aniversario, nos ta hopi orguyoso pa revela nos number y logo nobo.

Cu boso sosten continuo, nos ta sigui compromete na promocion di e rikesa cultural enorme y e bunitesa natural di nos islanan.

CreActivo Conference 2024:

Innovacion pa industria Creativo y Cultural na Aruba

CREACTIVO 2024 ta e prome conferencia creativo cu ta wordo organisa na Aruba pa asina cende e chispa di colaboracion y innovacion den industria creativo y cultural. E conferencia aki ta duna un oportunidad unico na nos artista-, creativo-, visionario- y innovadonan pa uni hunto y conecta den e mundo di creatividad y cultura. Si bo ta interesa marca bo kalender pa dianan 8 y 9 di october, caminda Renaissance Convention Center lo wordo transforma den un centro di inspiracion, conexion y energia creativo.

Kico ta CreActivo? E ta mas cu solamente un conferencia; CreActivo 2024 ta un celebracion di e poder di creatividad y cultura. E conferencia aki ta dedica specialmente pa uni nos artista y creatives di Aruba y tambe rond di



mundo, ofreciendo un plataforma unda ideanan y colaboracion por florece. Durante dos dia inspirativo lo brinda un atmosfera unda creatividad no tin limite. Comparti cu oradornan cu ta stimula bo mente, tuma parti den actividad dinamico y uni na discusionnan cu ta desafia e status quo.

Esaki ta bo oportunidad pa conecta y network, expande bo horizonte creativo y contribui na e formacion di e futuro di nos industria cultural y creativo. No

ta importa si bo ta un artista estableci, un creador aspira of simplemente cu bo ta pasiona pa arte, CreActivo 2024 ta invita abo pa forma parti di e movement aki cu lo redefini e futuro di nos industria creativo y cultural.

Dianan 8 y 9 di october lo wordo recorda como e punto di cambio den e paisahe creativo y cultural di Aruba. Tickets pa CreActivo 2024 lo ta disponibel pronto. Sigui [Go Cultura Foundation](https://gocultura.org) ariba social media pa mas informacion y update tocante CreActivo Conference 2024, incluyendo anuncio di oradornan, detayenan di e programa y mas. Uni na nos comunidad creativo cu ta redefini loke ta posibel. Bo por tuma contacto cu Go Cultura na +297-5649525, via e-mail na info@gocultura.org of bishita nos website na gocultura.org.